



Indgået

26 OKT. 2018

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
Box 1080 - 3900 Nuuk

Mikivisuk Thomassen
Inuit Ataqtigiit sinnerlugit Inatsisartunut ilaasortaq

§ 37 naapertorlugu apeqqummut 270/2018-imut akissuteqaat

1. Nappaassuarmik kræftimik eqqorneqartartut inoqarfinnit sorlerni aggerfeqarpat?

Akissuteqaat:

Kalaallit Nunaanni kræfteqartut nunap immikkoortui eqqarsaatigalugit assigiinngissutsit pillugit Naalakkersuisut paasissutissaateqanngillat.

23-10-2018
Suliap nr. 2018 - 21174
Allagaatit nr. 8984845

Postboks 1160
Oqarasuaat: 34 50 00
Fax: 34 55 05
3900 Nuuk
Email: pn@nanoo.gl
www.naalakkersuisut.gl

2. Nappaassuarmik eqqorneqarsimasut ukiui qanoq agguataarsimappat?

Akissuteqaat:

Ataani takussutissiamit ersersinneqarpoq 2015-imi innuttaasut kræfteqalersimasut paasineqartut amerlassusaat:

Ukioqatigiiaat (ukiut):	0-14	15-29	30-44	45-59	60-74	75+
Amerlassutsit:	2	6	20	60	65	24

Takussutissami kisitsisit NORDCAN¹-imi paasissutissaasivimmit tiguneqarput. 2016-imi pisortatigoortumik kisitsisit uppernarsaatissaqartut aatsaat 2018-ip naalernerani saqqummersinneqassapput.

3. Nappaassuarmik eqqugaasut nappaateqarnerannik ilisimatineqarnerat sumi pisarpa? Najugaqarfigisaanni imalluunniit illoqarfimmi napparsimaveqarfimmi?

Akissuteqaat:

Napparsimasut sapinngisamik nappaatit suussusersineqarnerat – tassunga ilagitillugu kræftimik nappaateqarneq – pillugu peqqinnissaqarfimmut nakorsiarnermi peqqinnissaqarfimmi sulisunit ilisimatitsissutigineqartarpoq, tamatumani pisariaqassappat oqalutseqarnissaq periarfissaasarpoq. Taamatut nakorsiarartoqartillugu kaammattuutigineqartarpoq tapersersuinissaq paasissutissallu eqqortumik paasineqarnissaasa qulakkeerneqarnissaat siunertaralugu qanigisaasut peqataasassasut. Pisuni ataasiakkaani napparsimasoq aggernissamut periarfissaqanngikkaangat nappaatip suussusersineqarnera pillugu oqarasuaatikkut paasissutissiisoqarsinnaasarpoq.

¹ <http://www-dep.iarc.fr/NORDCAN/DK/frame.asp>

4. Nappaateqalersut paasitinneqareerneranniit piffissaq qanoq sivilutigoq suliarineqarnissaassa tunngannut ingerlasarpa?

Akissuteqaat:

Kræfteqartoqarnerata paasineqarneraniit sivilunerpaamik qaammat ataaseq qaangiutsinnagu katsorsaanerup aallartinneqartarnissaa Peqqinnissaqarfimmi anguniagaavoq. Iviangikkut kræfteqalernermit tunngatillugu sapaatit-akunneri arfinilikkaarlugit immikkut paasisimasalimmik tikeraartoqartarpoq.

Inussiarnersumik inuulluaqqusillunga


Martha Abelsen